

莆

陽

文

獻

莆陽文獻卷之三

七言古風

城山國清塘

林光朝

燭龍醉倒木開眼，遶空萬里雲張繖。
小舟塘外日落溶，漁歌忽斷荷花風。
倚巖巖僧舍高深戶，我來跋涉拳
肩股喘停更促短筇上，恠石周遭臥萬鼓。
沉是秋風到此山，惟有孤鴻時往還。
勞勞百年共纏縛，不似青山長自閒。
古人古人嗟已遠，長歌商頌歸來晚。

和前韻

陳士楚

本傳

山光一洗紅塵眼，長松夾道搖青繖。
回頭下瞰百川

融亭臯小立凌剛風傑閣玲瓏朱綠戶何年蓬萊移
左股山僧見客不斂眉梵唄琅琅應魚鼓欲攜三尺
彈龜山淳風一去不復還似墻草長章逢少幾百年
來風月閒嗟我賢聖遠復遠天高地下日易晚

長夏歎

陳宓

見本傳

六月不雨暘烏驕飛蝗更剪深田苗農夫抱衾覆一
畝背裂口焦如火燒農夫農夫莫怨怒更有無田可
耕處昨日長淮禾稻區白骨成堆今莫數金縢百萬
去安邊城壁不修唯壞垣人言大羊盟誓堅我願夏
日長如年

武夷丹崖

方伯謨

名士錄附見方會傳

丹崖石氣疑高秋，碧溪上引天河流。
金堂石室不可到，玉館莓苔生古愁。
仙人昔乘紫雲去，白馬瑤鞭在何處。
茫茫塵世那得知，幔亭空記當年事。
君不見茂陵松柏已蕭疎，乾魚猶祭同亭祠。

穀城山松隱巖

鄭樵

見本傳

青嶂迴環盡屏倚，晴窓倒入春湖水。
村村叢樹綠於藍，歷歷行人去如蟻。
新秧未插水田平，高低麥隴相縱橫。
黃昏倦客忘歸去，孤月亭亭雲外生。

清明林下

鄭伯玉

見本傳

遊絲百尺飛到池野蝶尋春有任意一番輕雨洗梨花啼出玉真無限淚老夫不入少年場直向南軒亭午睡覺來歷省夢中事却憶邯鄲枕中記

四快圖

方大琮

見本傳

一人筯耳手不住一人袒背抓癢處一人理髮虱擒獲一人噴嚏虎驚去余鼻久塞耳驟聾虱無附麗頭已童惟背負眩覺奇癢麻姑之瓜不易逢吾聞氣涌如隄潰枕高唾遠道家忌且留眼讀養生書莫將身試快意事

謝氏祖孫創灋陽橋

前人

潯陽極目雲氣昏衝風揚波鼉窟翻相妃抱琴望虞
舜日暮江竹多啼痕木蘭為舟不可渡誰幻曾淵作
平路天潢夜靜牛渚長海市朝晴蜃樓吐祖孫移山
山可移昔人不信今見之千年猶有召伯埭白面聚
歛嗟何爲

爲趙敬叔賦漢海獸葡萄鏡蓋鄭夾添家故物
也

前人

尚方老冶收精銅金膏玉水開腫朧未央曉月低青
桐六宮秋井生芙蓉當塗妖鬼負神器銅人登車數
行淚寶奩偶落長安市來與人間照珠翠凝陰空祭

江心龍海兩夜入閩王宮一朝愁殺添上翁破屋日
夜穿晴虹西苑野露堪作酒中有駒餘活欲走趙侯
得之莫失手龍女蛟童候之久

歌風臺次韻

前人

歌風臺前野水長王媼賣酒茆屋涼酒邊老父說劉
季頭戴竹冠還故鄉山河霸氣已銷歇颯颯老柳吹
斜陽臺前小兒手擊筑筑聲更似三侯章

採桑婦

方時舉

朝採陌上桑暮採陌上桑採採不盈掬新葉苦不長
東家練新絲西家理春機妾蚕未上箔妾衣知何時

妾身凍死不足惜良人遠戍天一涯良人一別長參
商堂上何人事姑嫜賣絲奉甘旨織絲供衣裳妾心
蠶絲亂妾貌桑葉黃去年陌上採桑女今年嫁與黃金郎

觀蔡忠惠墨蹟

前人

宋朝書法誰第一端明蔡公妙無敵百年遺蹟落人
間片紙猶為人愛惜公書方整八法俱蒞譜茶錄絕
代無當時石刻今已少況復筆蹟真璠璣此書飄逸
尤絕品風度不殊僧智永粉牋剝落神氣全夜夜虹
光穿藻井蔡公乃是莆名臣慶曆四諫才無倫堂堂
事業在青史詞翰聊以娛心神公今九原不可作三

後遺編淚交落荒祠華表倚空山月明定有歸來鶴

沉香亭

陳觀

附見陳賢傳

咸陽宮殿凌紫清珠簾翠幕春冥冥太平天子歡未足內園別作沉香亭沉香迢迢隔海水輸貢何時來萬里亭成顏郁滿京華椒桂無顏蘭蕙死東風淡蕩雲瞳矇遲遲步輦隨六龍葡萄出甕琥珀瑩牡丹倚檻脂脂濃詞臣獻辭有深意觥稜月上君王醉妖風一起算本腥沉香應落長安市君不見古來聖主稱陶唐土堦三尺茅茨長

讀陳忠肅公傳有感

柯潛

胡塵捲風天地黑胡騎長驅滿南北崖山脈主知在
亡一夜愁心頭偏白丈夫耻作負恩生舉手擎天天
已傾孤城如斗猶百戰蒼蒼不遣勲功成龍虎可騎
不可擾怒氣吹人山亦倒君臣大義心自明白日青
天懸皎皎嶺海間閑草樹寒四顧無人空淚彈國破
家亡惟一死首陽有薇那忍餐節義文章埋不爛萬
丈虹光燭霄漢我懷往事悲復歌烈烈英風鬢絲亂
魏孔淵太守送岑嘉州集書數韻復之

彭韶

岑嘉州真名源生平浩氣橫清秋詞源瀕洞傾枚鄒

春江曉漲蛟龍浮從班解秩不復收從軍直到海西
頭胡沙三載踏驂騑長安萬里空悠悠間關西赴五
馬侯郎官御史青幕遊蜀嘉山水增清幽夜夜文光
煥斗牛嘉州嘉州知不憂遺文淪落人重脩當時炙
手勢莫儔至今寧有姓名留

古塚行

陳鉞

昔人此塚初成日春雨冢碑土花碧清明歲歲拉親
朋醺酒割羊酹苔石一朝無主漸榛荆隙地猶付居
人畊陵遷谷變作城邑千門萬戶皆朱甍古黃學宮
在高處桃李成陰聯玉樹宮前數仞夫子墻墻下誰

知古人墓地中神物難久埋清霄變化乘風雷怒濤
捲地墓門裂石碑斷落銅棺摧可憐枯骨已成土沙
塵金釵留半股甕甌古雅明如玉寶鏡無光苔色古
呼童磨洗尋紀年背無款識飛鸞旋嗟爾英雄九泉
隔滔滔逝水無回源古來荒塚狐兔穴此塚今為蛟
龍得狂夫感慨悲復歌歌罷淒風淚沾臆百年有酒
且啣杯莫待後來人嘆息

涵江送別

王偉 見本傳

涵江自昔繁華地桑柘連陰百餘里笙歌搖曳樹底
聞甲第巍峩空中起人事變更非昔時荒烟落日青

懷悲豪華意氣今安在惟見江流無盡期南州文學
東魯客歲晏迢迢赴京國紛紛冠蓋餞江湄醺酒長
歌吊遺跡酒酣分袂各贈言事業相期追前賢風帆
向晚去如瀉天涯極目空雲烟

赤龍歌

周瑛

赤龍攪海水渾巨鱗細鱗亂紛紛大風播蕩幾寒
暑餘腥猶自滿江濱上帝聞之發震怒不使淫威偏
下土飛符直取赤龍歸投彼遐荒禦豺虎春雲布滿
東南隅踈踈密密雨聲徐桑麻蔽野鷄犬靜遙聞擊
壤歌唐虞

竹雪齋為提學戴公乃兄誠菴賦

前人

小齋種竹只十個雪壓竹稍寒欲墮蒲簾高捲層雲
破一鉤新月入當座老夫肝腸鐵石做一生甘作衡
門臥東鄰獻捷西鄰挫滿城簫鼓紛來賀老夫騎驢
雪中過

臨汝書院成次潘水部見贈韻

前人

大冶鑠物搏陰陽青春去我何堂堂西偏小構亦頗
良不施黥墨橫白宋捲簾正對五羊岡樹木拂簷交

青蒼祥煙紫氣相迴翔坐令白日迷晶光文采弼彪
來省郎爲我藝苑芟穢荒鏗然制作稱大方利甯長
距獨擅場嗟予苦學未成章點綴犧尊青與黃六經
窟穴漱餘香拍拍春意覺滿腔與君對織雲錦裳著
向風前聊徜徉欲驂麟鳳游帝鄉又笑目眩心未忘
小吏抱牘來蒼皇謂耽文字頗有妨廣陸無車川無
梁出門萬里道路長使君局面宜更張

有所思

吳希賢

見本傳

蘭茝無香蕭艾長美人別我忽孤往誰憐百萬億蒼
生蟻蝶紛紛在盆盎吁嗟美人天一方兼葭秋水送

相望東門喪狗老見逐浪說鳳歌真楚狂君不見空
桑耕夫隱莘野志在匡時雨天下束帛不為三聘勤
堯舜之樂那忍捨又不見鼓刀老子釣渭溪白髮婆
娑照烟水後車不載非熊歸肯為孟津濟師起我知
美人自樂永弗過佩紉蘭芷衣製荷誰為傳語兮西
山有薇不可食空谷采芝休作歌

九重明聖方側席子若不起將奈蒼生何

獨不見

鄭瑗

東飛伯勞西飛燕我所思兮獨不見歲云暮矣多霜
霰日月推遷玄髮變筑筑處郭誰與鄰高山無蹊河

無津車轡馬駢駢車馬蹤橫遍城闌獨不見意中人

偕邵文實王叔武戴伯紉劉惟馨謁鈞深堂

林俊

生離死別何足憂涪陵少頃諸公留眼面風塵化烟
水昨日草檄今山遊窄徑支藤屨萬竹宛轉高栢柴
門幽易洞吟壇久陳迹鈞深燈火時春秋當時堂簾
兩大老一祖白甫宗軻丘譙公門徒復地主尹公流
寓亦至此三畏變城又滄桑增重溪山還四美我不
敢竊道脉又不敢參詩流雲物眈眈如有求藏身幸

在烟霞裡再拜先生一杯水

讀宋丞相陳忠肅公傳有感用先輩柯竹巖韻

前人

朔風吹沙白晝黑王孫天南復天北山河破碎幾時收
馬頭生角烏頭白宮門銅駝荊棘生陸沉海覆天為傾
謀臣漫浪夫大計三京之復成未成蜀漢江淮日雲擾
閬浙雷崩廣風倒孤城獨手容支持志決身殲日皦皦
感粟秋高胡月寒眼枯有血城上彈精魂一付乾坤老
骨肉任飽鳥鳶餐南山飼牛白石爛畎畝遙心重江漢
徹桑隙穴備陰晴板板蒼天誰念亂

題松雪山水

前人

山水何人稱絕奇，吳興松雪老畫師。
鄭虔祁岳不足數，前身合是病王維。
與可胸中有成竹，此老林壑故不羈。
輕綃落筆百態生，奇形遠勢相追逐。
長松自昔參天材，踈髯碧淨無氛埃。
居然茅屋二三子，衡門靜掩荒蒼苔。
袒跣無營百事拙，竹裡漁舟臥秋月。
壯歌激越遶空翠，散亂白波舞晴雪。
素子家住雲水鄉，披圖見画心如狂。
藤蓑穩着賦歸去，倚天一笑江茫茫。

端硯用后山韻

前人

刷絲舊失奎房器，黃眼黑眉紛俗贅。
虛中起拜即墨

侯王質金聲才實備虬螭隱約羅星斗玄洋滿咽烟
霞氣文章重柄拔殊尤詔書夜下採訪使蒲輪從役
走萬卒西坑上巖若平地最後斧柯得真本奇寶迷
藏方命世同時客卿白刺史遭際晚不交一睡元統
中峰美少年嚴冷粗能識風致香酥冰髓潤精血火
齊懸黎落時貴酬工翔涌不作難十家一飽中人費
石走江翻雷電繞及到啾啾聞鬼異靈丘合有神明
護茲事須煩博物志銅雀人間多事土浪竊浮名滌
清惠高低鵠眼豈石病六一春秋舍至意勿輕投贊
屬長公貯月發雲書佛偈

莆陽文獻卷之三終

莆陽文獻卷之四

五言律詩

旅次寓題

徐寅

見本傳

胡爲名利役來往老關河
白髮隨梳少青山入夢多
途窮憐抱疾世亂耻登科
却起漁舟念春風釣綠波

弔崔補閣

前人

近來吾道少慟哭博陵君
直節巖前竹孤魂嶺上雲
搢紳傳確論丞相取遺文
廢却中興策何由免用軍

寄鄭縣李侍御

黃滔

古縣新煙火東西入客詩
靜長如假日貧更甚閒時

僧借松蘿住人將雨雪期三年一官罷獄石看成碑

退居

前人

老歸江上村孤寂欲何言世亂時人物家貧後子孫
青山寒帶雨古木夜啼猿惆悵西川舉戎裝度劔門

遊東林寺

前人

平生愛山水下馬虎溪時已到還嫌晚重遊預作期
寺寒三伏雨松偃數朝枝翻譯如曾見白蓮開舊池

高田院橋

鄭良士

見本傳

到此溪亭上浮生始覺非野僧還惜別遊客亦忘歸
月滿千岩靜風清一磬微何時脫塵役杖履願相依

和王太傅遊國清塘

鄭伯玉

寒日一觀眺，四天雲色稀。
水風迎棹起，沙鷺背人飛。
玉縷鱸新膾，金膏蠚正肥。
斜陽促歸旆，那得戀漁磯。

和李侍郎移竹

鄭將

字天佐，國子監

仲夏竹迷日，長竿帶筍移。
地生宜雨潤，根淺畏風吹。
斲破沿階蘚，添成宿鳳枝。
子猷清洒意，應與渭川期。

和御製觀三聖御書

蔡襄

聖業薦功德，宸毫冠藝文。
勢開千里浪，光動九天雲。
法駕乘時至，仙都與世分。
皇心欽寶訓，求治益精勤。

過溪南韓氏宅

陳諱

見本傳

曾覽溪南勝重來四十年樹如人老矣山共水依然
香玉紛堆案晴虹對跨川吾廬今咫尺來與且盤旋
題夾漈草堂

陳俊卿

見本傳

流水三間屋公曾半席分帝嘗招此老天未喪斯文
人去留青竹山空只白雲升堂時想像金石恍猶聞
靈源庵

龔茂良

見本傳

遲回不忍去復作抱衾留斷續雲間雨蕭騷木末秋
勞生那有此漸老欲相投最愛千山暮鍾鳴處處幽
往行都至嚴州烏駐館阻水留二日

陳安

村館通宵冷江鄉五月秋野海酸味足隴麥餌香浮
水滿迷行徑瀾揚過去舟亭衢如可待莫厭小淹留

郭璞墓

劉克莊

先生精數學卜宅未應踈因將虎鬚死還尋魚腹居
如何師鬼谷却去友靈胥此理憑誰詰人方寶葬書

黃檗山

前人

出縣半程遙松間認粉標峰排神女峽寺創德宗朝
鶴老巢高木僧寒晒墮樵早知人世淡來住退居寮

張麗華

前人

臺上栢蕭蕭空堂閉寂寥芳魂三尺土往事幾迴潮

墮翠尋難見埋紅恨未銷猶勝江令在白首入隋朝

鶴食

趙庚夫

見本傳

鶴食從妻給花窠課子鋤絕糧緣買硯止酒為耽書
野服迎人懶禪心涉世疎丹爐添火候健似十年初

送陳信仲泉州教授

陳旅

南國多春水桐花滿故園君歸典鄉校我獨客橋門
別浦征帆小高堂講席尊歲時宴諸老醪酒錦田村

題羅稚川畫卷

前人

雨氣通林壑江光動野航道人巖下去茅屋樹邊涼
斷岸入秋水遠山留夕陽登臨莫作賦遊子未還鄉

風雨既定星日皎然輾轉不寐有感

吳源

見本清

不眠知夜永無語覺心清慷慨思時事沉吟見物情
賈生危論政趙括易談兵家國憂方大憑誰訪老成
過游洋留宿吳原輝后定山居

郭維貞

妙畫延陵子冥心今幾年溪雲移榻坐山雨下簾眠
李愿今盤谷王維舊輞川滄洲吾亦愛那有此林泉
次韻荅方用明就蘭王伯明

前人

庭空山宛宛客去雨纖纖乳犬眠深戶慈鴉戲短簷
故交貧亦戒新曆歲還添試就神巫卜家人報吉占

山中即事

前人

數日別江渚抱琴過竹溪山深黃耳遠日落畫眉啼
識字今何補懷家計亦迷明年與妻子春雨學扶犁

普覺堂

方時舉

普覺有何好秋來事事幽風簷落柏子榕葉覆溪舟
隱几山當戶翻經月到樓誰爲姑射牧茆屋隔滄洲

哭郭滄洲

方用晦

名州處士隱
於隱

破屋滄洲上清貧獨可憐書存無子讀詩好有僧傳

堊卜中元夜墳鄰北滌邊窮交空白首莫贈買山錢

石門清隱

方坦 字履道處士

鄭子石門隱石門長晝開了無俗客到時有白雲來
谷煖耕春雨窓陰聽瀑雷徵賢有明詔林下豈遺材

宿鵝湖寺

前人

鵝湖清勝地兩度振衣塵踏入珠林晚山環碧殿春
碑存多宋刻僧老半閩人諺久鍾聲絕松房掩白雲

老圃書堂

黃思永 附見黃謙傳

瓜地書廬僻柴門闌碧流波光搖席冷山色入簾幽
琴撫聽黃鵠樽開近白鷗芳鄰有如此宜爾賦歸休

綠野耕叟

林環見本傳

負郭有先畬南東百畝餘
閒雲常繞舍流水自分渠
白髮身宜退紅塵跡已疎
誰知城市裏還似鹿門居

南平張明道桑梓圖

陳中

見本傳

不到南平久西風役夢竟
樹聲秋入屋溪漲夜臨門
白鳥磯頭釣青山菊下樽
覺來仍在夢喬木自荒村

送檢討莊孔陽桂陽判官

柯潛

鐘聲催曉騎寒色上重裘
笑別鷓鴣侶遙臨山水州
直言非不用高志自難酬
公暇閒吟處風清月滿樓

遊囊山寺

前人

下馬松關外行行過虎溪鐘鳴知寺近雲牕覺天低
澗底流泉滑簷頭古木齊何時謝塵鞅此地卜幽棲
與陳希明

陳誠

青衿年少日曾過鄭公鄉蜃氣嘘高閣榕陰覆短牆
別來江國晚夢落海門蒼泮水逢君話清尊夜正長
不寐

前人

世事皆塵鞅乾坤亦韞爐流年雙鬢短永夜一燈孤
歸計算方熟詩腸吟未枯推窓看天色涼露滴青梧

菊坡為覃大尹宇賦

周瑩

見本傳

解印歸來早黃花尚故坡理荒鋤蔓草習靜偃垂蘿

籬下寒香滿山南佳氣多此中真趣遠何必向岩阿

出郭

周瑛

騎馬出東郭茅簷遍村徯吏需寧後急民俗可魯淳
蕭鼓雲中社桑麻雨後村漢家循吏傳原不錄劉昆
曝背和賈汝易韻

前人

四海誰同曝半簷吾自分背溫如煖續氣暖欲蒸雲
瘦影傍梅見新聲隔竹聞愛君思有獻黜竄列生文
弔吳聘君

前人

富貴跼方巖山林跡漸稀誰能甘白屋君獨謝黃扉
學古難為用名高易嫁非百年泉壤下全璞有光輝

別顧高州

鄭紀

曉出東郊路，燕山翠欲流。
客從今日別，我亦及春遊。
花下停征騎，江頭問去舟。
行程幾千里，雲樹共悠悠。

新晴

前人

天際微風起，溪雲過短牆。
山容環榻近，草色入簾蒼。
古樹藏殘雨，歸鴉背夕陽。
飛花如有意，亂逐馬啼香。

會任思順太守

林俊

短髮愁青暮，丹砂未可憑。
三山五夜夢，雙塔十年燈。
魚鴈書還阻，煙霞話豈曾。
草堂花在手，何日共支藤。

和翠渠題陋軒韻

前人

幽偏良此地低小亦吾軒樹老藤欺屋溪迴水抱門
浮生謀竟拙春事理仍繁桂索誰能過簞瓢得細論

竹

前人

斷靄橫天外青山落水中林稀行野鶴笋熟過溪翁
索莫無諸事蕭疎又一風炎歆移處薄披寫此君同

買舟遊雲莊

前人

雲物秋來澹風情老去消野亭心一寄僕馬路成遙
嶽氣開晴雨漁聲答晚潮十錢供買榜水月淨氛氤

晚步

前人

倚林延薄暮秉炬訊花期地煥春來早山幽月上遲

怒派喧暗壁倦羽寂單枝天意存榜檝重遊或在茲
入秋偶成憶遠菴

前人

踈樹留殘暑平蕪帶夕曛簷鼓初下葉峰影暮歸雲
野笛隨漁唱遊鳥雜鴈群草莊時看雨相憶紫芝薰
翠庭草堂次韻

前人

鳥寂斷春夢亭虛繫物華山林到城郭雲水會人家
暝落窓前葉香傳竹外花一區遺世在慰老托烟霞
寄劉憲副

林夔

附元林大德傳

雉堞全天險鱗符控上游魚鹽通小市燈火列高樓
寄重咽喉地權分將相籌官衙留客坐籬下晚香幽

送方壽卿予告歸

前人

憑秋動歸興別意合誰知伯仲吾師友庭闈子夢思
方書消永日簡注意良時莫向朱明問丹成更有期

絳趙邊地

前人

地控龍荒險山連鴈塞雄鼓分秋月白榆柳晚霜紅
一帶華夷限千年頗牧功天驕猶未滅長劍倚崆峒

遊武夷

黃華

見本傳

真境非人世平生夢見之杖藜來獨晚月雨看尤奇
九曲將窮處一春欲盡時風塵吹客袂臨發故遲遲
莆陽文獻卷之四終

莆陽文獻卷之五

七言律

黃校書閒居

徐寅

取得驪龍第四珠，退依僧寺卜貧居。
青山入眼不干祿，白髮滿頭猶著書。
東澗野香添碧沼，南園夜雨長秋蔬。
月明掃石吟詩坐，諱却都無儋石儲。

憶山中友

前人

憶得當年接善鄰，苦將閒事強夫君。
關開碧沼分明月，各領青山占白雲。
近日藥方多繕寫，舊來詩草半燒焚。
金門幾欲言西上，惆悵關河正用軍。

寄富洋山禪者

鄭良士

畫破青山路一條走鞭飛蓋去何遙
礙天巖樹春猶冷鎖院溪雲晝不銷
雪上茗芽因客煮海南沉屑為齋燒
誰能學得空門士冷却心灰守寂寥

過建陽別舊識僧亞齊

翁承贊

見本傳

瀟瀟風雨建陽溪溪畔維舟見亞齊
一軸新詩劒潭北十年舊識華山西
吟魂昔向江村老空性元知世路迷
應笑乘輶青瑣客此時無暇聽猿啼

使華亭

翁緯

附見翁承贊傳

走青奔碧月潄溪勢與晴江遠接連
沙草翠侵驅馬

路岸花紅濕釣魚船烟生遠店收寒雨風起高梧咽
暮蟬徐氏舊居人識否渡南溪下白雲邊

遊興化西門上谿

蔡襄

尋溪因過上溪遊雨後溪渾水亂流獨傍堤松卻飛
蓋爲聞山鳥輟鳴鵲平田穰稔青雲合滿屋芭蕉碧
玉抽開濟無功須蚤去改時瓜隴有通侯

遠亭

鄭伯玉

亭勢孤高映小池盤盤一道出林霏平誅岩腹草茅
盡直望海門煙火微樹石滿前供勝賞溪山無處隱
清暉宣城麗句人爭誦珍重陽春和者稀

和周楚望紅梅韻

方子通

名惟深興化軍人

清香皓質世稱奇試作紅粧更自宜
紫府與丹來換骨春風吹酒上凝脂
直教臘雪無藏處祇恐朝雲有去時
溪上野桃何足種秦人應獨未相知

共樂堂

陳俊卿

共樂臺前花木深登臨當暑豁衣襟
紅垂荔子千家熟翠擁篴簫十畝陰
老退已尋居士服清歡時伴醉翁吟
憑欄四望豐年稼差慰平生愛國心

冬夜憶譙之

方翥

見本傳

忽憶夫君阻笑言出門南望欲飛翻
孤城隔水初侵

夜盡角因風自入村短句有時隨意得古心近日與誰論未除習氣君應哂月冷梅香易斷魂

幽化院

龔茂良

晝寢招提最上頭飢禽亡賴故喧啾領雲西去欲成暮山雨北來渾似秋婉婉如今真是夢經從似舊絕堪愁昔年陳迹鷄窓下日落鍾鳴山更幽

前歲過真陽初識子欽今道出曲江不忍遽分手偶成長句以志兩處山川人物之勝亦少慰別來耿耿耳

林光朝

秋崖一夕卷炎蒸那更揮斤為斲冰碧落舊尋燒藥

竈白芒長對讀書燈相期大庾何多日似出浮屠向上層縱有分張吾未老定從臺閣看飛騰

次韻賀丘國鎮致仕

前人

桃花流水是家鄉洛下才名四十強自有赤松堪辟穀那能白首更為郎案頭見葉忘言久江上蓴羹引興長邂逅却成香火社好將詩句細商量

送夾漈先生赴召

前人

別墅生涯富古今凝旒夢卜苦追尋一封細札三家市萬卷新書四海心北闕龍吟清晝永東臯猿嘯白雲深滿懷經濟今休靳聞道蒼生渴傅霖

到九座寺

陳必

想像精藍九疊前青鞋今得踏雲烟
霜邊澗水多成玉嶺上人家半是仙
伏蟠千年無動意老松何日不幽禪
可憐倚馬思歸客有底區中未了緣

哭黃直卿寺丞

劉克莊

久在文公几杖旁暮年所得最精詳
貧甘香火辭符竹病整衣冠坐簣床
壯士軍中悲亮死先師地下惜回亡
法雲破寺三間屋却有門人達赴喪

題趙山中祠堂

前人

端平聞說建祠堂白首纔熏一炷香
早有埋辭哀錫

耀睨為畫贊頌東方秋風浩蕩吹墳樹落月依稀照
屋梁千古行人來下馬陳詩不必奠椒漿

謝趙憲副使惠建茶

陳堽

俊卿之後知
安縣

貢餘自合到侯王誰遣甘芳入莧腸野客驚看龍鳳
夸家人學試蟹魚湯題來諫議三封印分到尚書八
銓綱盡洒從前醒腐氣時時澆取簡編香

使金

傅至叔

名誠見本傳

霜明玉節映寒流馬渡盧溝向上頭萬里河山觀古
塞百年荆棘嘆神州要臨瀚海銘燕石莫上新亭作
楚囚多少遺民思舊俗可憐金帛歲包羞

城山國清塘

余謙一見本傳

湖光山色酒杯中，此會那知一笑同。
風暖空巖落松子，雨晴新漲沒鳬翁。
隔林村落微茫見，一逕禪房曲折通。
老艾當年題品處，斜陽無語想高風。

同僧遊潁陽塘上生院

趙庚夫

泂堤上下看沙鷗，得句支筇自點頭。
風露高時將鶴伴，溪山好處載僧遊。
老無志願惟漁艇，閒有工夫上寺樓。
歲晚淵明須自笑，督郵未至合歸休。

被執至合沙詩寄仲子訣別

陳文龍

見本傳

斗壘孤危弱不支，書生守志誓難移。
自經溝瀆非吾

事得死封疆。是此時須信。累臣堪繫鼓。未聞烈士樹
降旗。一門百指淪胥。北惟有丹衷。天地知。

送朱蓮峰著書得官南歸 陳旅

城東有客過吾廬。揮麈高譚逸氣舒。金馬豈無方朔
伎。石渠今取夏侯書。沙堤老屋秋楓合。海浦歸航暮
雨疎。我亦草玄官拓落。江南無地可耕鋤。

和連汝信

伍時敏名衡見本傳

習靜幽齋絕外思。景深情曠雨相宜。風薰花氣晴侵
夢。雨漱溪聲寒入詩。魚近碧闌人狎見。鹿眠香芷客
來疑。時時懸榻需君至。此興旁人未必知。

懷士方

前人

松邊分袂歎秋涼又是西風老素商海國雲深無過
鴈雨窓燈寂有鳴蜩清尊誰共黃花酒白髮先分紅
葉霜兩地相思應不異他時試與檢吟囊

遊華嚴寺

柯舉

處士號竹園

舊遊曾記此山川萬事回頭一夢然早歲不知人易
老晚年方信世無禪樵柯牧唱千村暮鶯語花香二
月天人境了然描不就山僧對我更談玄

和韻答雪巢病中見寄

方時舉

文盟深喜得過從苦憶皤然一病翁離亂曾同僧寺

雨笑談還醉橘岩風花邊藥果時時晒竹裡詩囊句
句工擬報平安消息近雪巢深處早梅中

和陳廷中避地南泉

前人

思君時復上寒岩十月林巒尚翠嵐溪竹裁成綠玉
杖石橋柱過白雲菴客懷最與山僧似時事難從野
叟談却憶當年杜陵老卜居正近浣花潭

西庵謾興

方坦

留宿西庵歲又除檣梧據坐一僧如暖姝竟作堂堂
別懶性空為咄咄書垣竹紫侵寒雨重野梅香襲曉
烟疎山中酒熟應歸去數畝園蕪帶雪鉤

爲黃原清賦綬溪漁隱

郭維貞

漁郎家住清溪曲，買斷徐潭作釣鄉。
自製蓑衣眠別渚，故移茶竈上輕航。
荔支林瀉水烟暖，鷓鴣桃花野岸長。
日暮醉歸魚滿筥，樵青敲火倚疎篁。

和方晦齋韻兼簡陳以靜 前人

佳人自古多薄命，笑殺無鹽乃畫眉。
鏡裏雪霜憐我鬢，燈前風雨誦君詩。
餘生亦擬歸兜率，三樂那能學啓期。
最憶溪毛侑村酌，秋期煩報鹿門知。

芭溪耕隱

方用晦

芭溪環翠入瓢湖，古木雲莊即舊居。
每種秫田秋釀

酒剩收桐子夜觀書雪晴度嶺閒騎犢客至沿溪旋
打魚老我塵中無隱處借君餘地著茆廬

送別賦得東渡春瀾

林士敏

見本集

長堤楊柳綠婆娑二月江南春水多送客又經桃葉
渡逢人還唱竹枝歌沙明翡翠藏芳草日煖銀魚戲
碧波正好尋幽同載酒東風爭奈別離何

九鯉湖

黃孟良

洪武中以薦為松陽主簿

人已昇僊鯉化龍伊誰湖上構僊宮石遺丹竈潺湲
裏烟鎖瓊臺縹緲中青鳥去來猶夜月碧桃開落自
春風此行非為邯鄲夢擬向橋頭遇石公

壺山歸隱爲宋允問題

鄭雲見本傳

三秦羈旅十年心故里歸來白髮侵苔徑落花春欲
遍柴門流水雨初深耕餘北壠隨孤鶴吟罷南軒撫
素琴亦有舊居鄰水石他時許我重相尋

和胡學士冬至後六日遊牛首山佛窟寺

林環

松下禪扉晝不開垂蘿應許世人攀黃龍說法諸天
在白馬馱經幾日還近戶泉聲晴雪後隔林僧影夕
陽間不須久住煙霞樂暫得尋幽即是閒

和山行侶圖爲隴西彭子玉題

黃約仲

見本傳

吳烟越樹共依依
候館驚心一鴈飛
三徑秋隨芳草盡
亂山人向故關歸
碧雲拂曙迎征旆
黃葉從風點客衣
聞道滄浪多應召
明時莫遣宦情微

送楊叅政歸閩藩

前人

金臺相送思依依
霜落關河鴈正飛
萬里獨承行在召
一麾仍向大藩歸
舟移越渚孤雲遠
踏入閩山古木稀
況是黎民懷惠久
陽和又到省中微

送方濬源教諭歸宣城

黃壽生

見本傳

古戍遙臨野水邊
幾家籬落帶人煙
夕陽潋灩素榆

合暝色蒼茫雉堞連歸思謾從何處寫客心偏向此
中懸死陵山色看來近不用回頭重惘然

題小景

林文
凡本傳

數間茅屋倚岩阿石徑縈迴出薜蘿萬里碧空飛鳥
沒一林紅雨落花多舟橫野渡無人喚夜響溪橋有
客過天外斜陽催夕景滿懷詩興欲如何

題濯纓亭

同瑩

平湖渺渺混陰晴湖上名亭舊濯纓兩岸好山澄爽
氣四簷芳樹帶寒聲坐來白鳥情偏狎唱徹滄浪興
更清何待臨流洗塵垢此身久已謝浮榮

送行人司正邵震使安南 柯潛

天王出震繼虞唐宇宙重新化日長要使車書歸一
統遠頒正朔到殊方碧天盡處通容管瘴雨晴時過
富良珍重平生清苦節莫將薏苡載歸囊

寄愚庵陳冢宰

彭韶

勒就功名上鼎彝乞骸累疏達金扉鴻恩此日加宮
保鶴筭來年是古稀閒結耆英尋舊侶新裁野服稱
初衣郡樓紫氣銷沉夕喜見清風太宰歸

送鄭啓善掌江都教

李仁傑

故園桑梓舊連陰京邸相逢喜不禁尊酒又為千里

別篇詩聊寫十年心波光渺渺隨舟去柳色依依向
客深明到維楊如見鴈愁懃無惜寄佳音

嚴溪舟中見月有懷知已

陳鉞

陰雨連旬惱客悰偶因月色自推蓬十分霽魄此時
滿萬里清輝到處同烏鵲夜棲驚未定魚龍秋睡香
難通故人懽笑知何在詩酒小樓閩海東

自悼呈柯孟時學士

前人

閒調綠綺操倚蘭轉覺人生適意難幾處好山吟謝
眺一庭深雪臥袁安芳隣有酒頻留飲孤館無書謾
借看堪笑昨宵清夢裏猶排悶闔獻琅玕

奉陪瑞州守李公清風亭小飲

前人

九日郡侯饒野趣登高直到洞山尖
狂麾翠壁題詩句醉摘黃花插帽簷
萍水衣冠千里會風流儒雅一時兼
不須細把茱萸看拚取年來白髮添

登擬峴臺讀曾南豐碑次潘水部韻

周瑛

摩挲苔刻讀殘文往事悠悠付夕曛
野艸未收前澗雨山風遙送隔溪雲
霸圖馭世應多術王道驅民不掩群
臨汝依稀同漢沔曾無垂涕到裴君

郡齋酌別送鄭御史還貴溪用聯句韻

前人

短箔疎簾風雨深一壺濁酒夜談心青山何處尋同
調白髮此時逢賞音徐穉到門應下榻管寧鋤地獨
揮金懸知別後相思憶兩地停雲向夕陰

題九鯉湖

鄭紀

一自丹成入九天只今山水盡名仙鸞鵲馭三千
界貝闕瓊宮幾百年物外已忘生死幻人間未斷去
來緣使車暫却紅塵跡來借清風一榻眠

寄題冠萊公祠

方岳

附見方輯傳

鈞衡獨運殿巖廊，獵獵胡塵起朔方。
日轂親扶行斧鉞，天威遠播靖封疆。
北門共惜歸朝晚，南粵誰知去國長。
氣節如公天下少，故令枯竹感雷陽。

題鶴洲延綠亭

吳希賢

信手栽花香可拈，綠陰啼鳥在危簷。
湖光向晚斜侵竹，野色經春迥隔簾。
水落瀛溪分一脈，天垂壺嶠露雙尖。
輞川浪說多奇勝，何似茲亭吏隱兼。

和無題二首

張元紳

附見吳給傳

銅魚雙鑰夜沉沉，十二瓊樓禁苑深。
九曲柔腸千種恨，一天明月萬家砧。
舞衣謾著重重錦，歌袖空閒縷縷金。

縷金自笑不如紅錦帳尚垂雙帶結同心

花枝媚媚顫春寒幾度含情強笑看盡日不聞來玉
輦一春空費倚闌干垂簾不放雙飛燕鏡偏傷獨
舞鸞多少渴心消不得金莖說說露盈盤

松門書院

魏時敏

附見吳吟集

松門直上與雲齊梧竹陰森路不迷
設向南山歌白石更看午夜照青藜
雨餘一水當溪落嵐淨千峰入戶低
只恐

明時徵詔起却教鶴領鶴棲

夏日偶成寄高知州

前人

二春臥病掩荆扉轉眼風光又葛衣江郭雨晴榕葉
暗山庄地煖豆花肥厭騎羸馬聽鷄出喜買扁舟載
鶴歸欲把長竿釣明月白雲占斷子陵磯

送僧還牛首山蘭若

前人

懷人飛錫向南天石上相逢話夙緣蕉葉藤花曉率
寺灘聲月色建溪船途中施食曾留偈蓬底跏趺不
離禪更說故山多法侶共看松偃舊房前

寄黃處士

林鈞

開見林文傳

半月池邊老謫仙松篁一徑護茅椽逸懷夜雪山陰
禪生計春風谷口田慷慨詩章追古作風流文采冠

時賢相思幾夜看星斗一點晴光太白躔

厓山次陳白沙韻

顧叔龍

附見顧孟
喬傳

我來還約白沙翁夜雨蒼茫一棹同山踞至今多勁
草海濤終古起悲風君臣魚水魂猶在胡虜腥羶跡
已空鐵纜江頭三片石前身端合是三公

送方壽卿入京

林俊

委巷陰森竹樹斜隻藤支老大方家醉移錦瑟絃中
鴈看拂青衫袖裏蛇歲晏相期自心事君行獨贈一
梅花出門奈懶吾先別偃臥江天數落霞

再起感懷

前人

重是雲居久穩眠
蛻殘凡骨未能仙
西南文字江山債
老大風塵犬馬年
絕域孤屯銅柱外
荒祠古柏錦宮前
出門二表肝腸在
刻鵠功疎一惘然

正寧寫懷

前人

老忙愁疾轉焦煎
撥遣訶呼借晝眠
幾地烟霞淹日月
百年文字欠山川
洞門白石乘牛處
華表青峰化鶴年
欲往桃源訪遺跡
小舟閒坐武陵仙

靖安即景

前人

結約春還又客先
馬鳴小隊出盆田
雙峰雲動雨溪雨
七井星回百竈烟
政急間閒思解網
月明湖海夢

歸船簡書頗亦前意多在空長去鳥遑

繭窩成

前人

一窩山繭結重霞斷葉吳蠶是此家短興西風元亮
菊浮生新雨邵平仄飛回別谷雲偏瀨流過中天日
易斜心迹古人痴未放草窓羲易送年華

全節祠二首

前人

大息橋山事不還却留羅襪試問關决天母子風濤
外如禮君臣俎豆間骨冷尚煩春草綠泪枯真帶石
厓斑翟輿禕服莊嚴在可是男兒有孱顏

手携塊肉泪相看志决身殲力許難舊內已頒元曆

日行朝終少漢衣冠
汴潢到海流方盡
宮骨凝秋氣
作寒獨倚厓門吊興廢
野陰風雨杜鵑殘

再乞侍養書懷

前人

即辰三沐更三薰
滿紙平生重上聞
天闕正如無繫
鳥林深容有不歸
雲山高月小
蘭坡夢霍然
猿驚意
帳文進止乾坤自情事
話長燈影記臨分

初秋

前人

忙盡乾坤一歲華
石榴今子菊將花
秋江合作鷗群
地社日空辭燕子家
力薄壯心慵看劍
野清邊候重
聞笳廣庭四壁蛩聲冷
碧落高低到鴈斜

烏江項王廟

方良節

字介子，嘉興人。嘉慶中，官至布政使。

落木蕭蕭江景空，江頭有廟祀重瞳。
殘碑零落寒煙外，遺像荒涼夕照中。
關內望遠秦父老，淮陰坐失漢英雄。
可憐身死東城下，決戰猶誇斬將功。

送蔣良醫致仕

林夔

不將漫刺謁朝官，依舊滄浪一釣竿。
宦味便從今日減，交情轉覺別時難。
藥爐午熟初嘗火，竹院朝暉未整冠。
却憶進方親

御床，鼎湖弓劍雨聲寒。

約羅志仁鄭汝華出會濟中 前人

雨年官路惜睽違
春晚關河一棹歸
楊柳暝煙啼顰
重闌干疎雨落紅稀
故人氣味真玄酒
遊子心情又彩衣
十里官曹頻在望
竹爐煮茗待斜暉

落花次韻二首

陳伯獻

字子微
自號西坡
學劉便

銅槃燃燭夜無懽
十日春凝九日寒
斜閣秋千閑院
落亂嘶叱撥
遍長安
流光冉冉欺人易
時事悠悠適
意難誰說
穠華偏擇地
五侯池館總摧殘

綠肥紅瘦
綺寮前
如雨沉陰咽
管絃隋苑林空仍綴
絲洛陽擔弛
不論錢蝶衣
曬粉傷新緒
燕寢凝香結
舊綠榮落乘除還
宿數臨風無用一悵然

落花次韻二首

吳昭

附見吳源傳

春事闌珊思轉悠，閑因掃徑喚蒼頭。
誰家短笛風輕度，何處長橋水亂流。
苔濕有香黏屐齒，月斜無影上簾鉤。
却思割錦纏頭地，虛負歌兒字莫愁。

春來春去太匆匆，群品居然付一空。
作勢漫飄千里雪，隨緣休恨五更風。
江城遷客頭應白，野店吳姬酒自紅。
舊識獨憐玄鳥在，啣香還入畫堂中。

對菊次韻

徐元稹

字明微，一字孝廉，一字季陵，一字孝廉，一字季陵，一字季陵。

暝色寒威傍晚簷，小齋獨坐看洪纖。
秋光過眼黃花老，世事驚心白髮添。
別久思家無鴈到，憂深扣易得。

龍潛風塵擾擾歸何日
濁酒幽香意未憊

莆陽文獻卷之五終

莆陽文獻卷之六

五言絕句

壺公山

翁承贊

井邑斜連北蓬瀛直倚東秋高岩溜白日上海波紅

題蘭

郭維貞

澄浦生蒼玉幽篴得露多採芳將有贈不柰遠人何

杏林先生自山中歸

前人

五月冲溪雨題詩心緒遠天寒一樽酒吟社故人歸

哭羅應魁狀元二首

周瑛

人心皆孔孟世道皆商周此意無人會西風吹古丘

白日金牛洞青雲丹鳳樓思君不可見新月上簾鉤

七言絕句

梨嶺

林藻

附見林藻傳

曾向嶺頭題姓字不穿楊葉不言歸弟兄各折一枝
桂還向嶺頭聯影飛

一斛珠

江梅妃

東華民家女
姿態明秀善

詞賦唐明皇時入宮最寵幸為貴妃所妬遷上陽宮
宮明皇思之封珍味一斛索賜妃妃不受作此詩謝
桂葉雙眉久不描殘粧和汨汨紅綃長門自是無梳
洗何用明珠與寂寥

方直甫見示次雲乞豫章集數詩偶成二小絕

林光朝

脩水佳人白玉欄
花前何似妾容顏
從來未省傷春意
猶自樓頭畫遠山

莫怪騷人大頽頽
曾聞阿母語劉郎
神仙本自無言說
尸解由來最下方

詠史二首

劉克莊

虜入中原力不支
洛陽名勝浪相推
可憐揮麈人如璧
半夜排牆猶未知

保惜金甌未必非
臺城至竟亦灰飛
隱侯老任梁朝事
却爲閑情減帶圍

九座閑詠

林彖

見本傳

短短桃花點綠莎，輕輕一鳥下晴波。宛然西塞江邊路，只欠能詩張志和。

木蘭陂旁有鄭耕老書堂，耕老時分教四明。

龔養良

木蘭春漲與江通，日日江潮送曉風。此水還應接鄞水，爲誰流下海門東。

熙寧橋

鄭叔僑

附見鄭伯玉傳

千尋水面跨長橋，隱隱晴虹卧海潮。結驛直通黃石市，遠艘橫斷白湖腰。

舟下建溪

方子通

客航收浦月黃昏野店無燈欲閉門半出岸汀想欲死繫舟猶有去年痕

題班婕妤題扇圖

陳旅

層城柘館重徘徊坐見瑤階長綠苔紈扇秋來定無用君王方築避風臺

題古木幽篁圖

前人

蕭蕭木葉落欲盡渺渺洞庭生白波虞帝不還秋事晚幽篁斜日倚湘娥

興化縣尹馮西美歸三山郭維貞

橘仙山下曾相見沙合倚頭杜宇啼白髮故人官滿

去一簑寒雨上春犁

哭郭滄洲

陳耕之

能詩東野名偏著愛酒陶潛貧不憂今日牛眠三尺
土寒潮依舊落滄洲

題墨竹

林環

曾記吹簫學鳳鳴碧雲深處度秋聲誰移一片瀟湘
影寫作江南萬里情

閨怨

方熙

深閨有泪濕羅衣萬里沙場音信稀滿地落花春又
去雙雙紫燕認巢歸

晚過畫屏巷

陳鉞

瓦礫平鋪石磴斜
棘枝藤刺接桑麻
老翁閒說當年事
指點東鄰是相家

次陳白沙韻送賀克恭歸遼左

周瑛

故國溪山病裏還
半生心事語人難
牀頭舊有匡時疏
不許傍人來借看

爲葉左叅題寫驛亭

前人

藝苑開荒歲月勞
幽蘭香正雜江臯
白頭心事無人識
風雨滿庭自寫驛

沈石田畫次韻

林俊

蘋蘩苗齊竹又孫
殺無歲月是煙村
貼山牆短鷄登樹
背路花深鹿卧門